

ՀԱՂՈՐԴՈՒՄՆԵՐ

Ն. ՆԱԿՈՒՅԱՆ
Դ.ՄԻՐԻՋԱՆՅԱՆ

ՓԱՐԱԿԻ «Ս. ԹԱՐԳՄԱՆԻՉՔ» ԵԿԵՂԵՑՈՒ ՊԵՂՈՒՄՆԵՐԸ

2008թ. Նոստրոմյան և ազգագրության ինստիտուտի միջին դարերի հնագիտության բաժնի աշխատակիցների (Ն. Նակոբյան, Դ. Միրիջանյան) կողմից իրականացվել են մաքրման և պեղման աշխատանքներ Փարպի գյուղի «Ս. Թարգմանիչք» եկեղեցու շրջակայքում, կապված եկեղեցու վերականգնողական աշխատանքների հետ:

Փարպի գյուղը պատմական Այրարատյան նահանգի Արագածոտն գավառի (ներկայիս՝ Արագածոտնի մարզ, Աշտարակի ենթաշրջան, Աշտարակ քաղաքի հարևանությամբ) հինավուրց բնակավայրերից է ուր մարդկային ձեռքն ու սպեղծագործ միտքը թողել են իրենց բազում արարումներից շարքերի հետքերը: Գյուղը հայտնի է ոչ միայն պատմական փայլեր դարաշրջանների վերագրվող հնագիտական, ճարտարապետական հուշարձաններով, այլև իբրև Ղազար Փարպեցու ծննդավայր:

«Ս. Թարգմանիչք»-ը գտնվում է Փարպի գյուղի արևելյան կողմում, բարձրադիր բլրի վրա, ամեն կողմից քարանդակի գյուղի համայնապատկերում: Նայոց եկեղեցին «Մբոց Թարգմանչաց վարդապետացն մերոց» անվան ներքո փոխում է վեց թարգմանիչների հիշատակը, Մեսրոպ Մաշտոցի գլխավորությամբ:

Նայոց մեջ լայն տարածում է ունեցել Ս. Թարգմանչաց (թարգմանիչք) անունով վանքեր, եկեղեցիներ, մատուռներ, վկայարաններ, մկրտարաններ, հանգստարան-դամբարաններ, ճամբարաններ, վարժարաններ հիմնարկելը: «Շինելն և վկայարանս իմն անուանեալս, և զնոյն զարդ եկեղեցեաց զարդարելն, և յամենայն տեղիս անապարս միայնառոցս շինելն»¹, Նայոց նորոյն փոնագույցում նշվում է շար յուրահատուկ և ինքնատիպ մի փոն, նվիրված «Թարգմանչաց», որը կարելի է ասել համաժողովրդական հարգանքի և խոնարհումի ձևն է մեր առաջին թարգմանիչներին:

Նայոցի է, որ վկայարանները, մատուռները քրիստոնեական հավատքի համար նահապակված Ս. վկաների կամ մարտիրոսների հիշատակներին նվիրված կառույցներ են, որ հիմնարկվում էին նրանց գերեզմանների վրա, երբեմն էլ Սուրբ Մատուռներից գեր մի մասնիկ տեղադրվում էր կառույցի հիմքում: Կնշանակի, թե Փարպիի «Ս. Թարգմանիչք»-ը ևս նման մի շինություն է նվիրված թարգմանիչներից որևիցե մեկին, թեև այս միտքը հաստատող գրավոր ոչ մի տեղեկություն պահպանված չէ: «Ս. Թարգմանիչք»-ը գործառական նշանակությամբ եկեղեցի լինել չէր կարող (նրբակերպ փոքր չափերով), բանգի գյուղում ժամանակին գործել է փառահեղ և խոշոր մի եկեղեցի՝ հանձինս Ծիրանավորի (Ե դար):

¹ «Շղիշի վան Վարդանայ և Նայոց պատերազմին», Երևան, 1957, էջ 60:

«Ս. Թարգմանիչք»-ը հալականացման հորինվածքով կարելի է դասել Է դ. քառա-
խորան շինությունների շարքը²: «Նայոց 7-րդ դարու շինարարական արվեստին մեջ մի
առանձին տեղ գրավելու արժանի է Փարպիում Ս. Թարգմանիչ կամ Թարգմանչաց եկե-
ղեցի անվանված կիսավեր շենքը: Եկեղեցին իր ճարտարապետական համաչափություն-
ներով և ներդաշնակ դասավորություններով չքնաղ մի երևույթ է», գրում է Թ. Թորաման-
յանը³:

«Ս. Թարգմանիչք»-ը ներքուստ և արտաքուստ խաչաձև եկեղեցի է, հենախորշե-
րը ներքուստ կիսաշրջանաձև են, խաչաթևերը միմյանց հպվում են որմնասյուներով:
Արտաքուստ դրանք ուղղանկյուն են, և խաչաթևերն իրար հպվում են քարե գլանաձև
որմնասյուներով: Որմնասյուները զարդարում են հիմքում տափակ, իրանի հարվածում
կիսագնդաձև խոյակները, հարդարված հյուսածո համակերպով շրջանների բազմազա-
լար զարդաշրջաններով, որոնք մի առանձին շուք են հաղորդում շինությանը: Գմբեթափակ
հիմքից դեպի թմբուկ անցումն իրականացվել է առագաստավոր փոխանցումներով, ապա-
ցույց՝ ճակարային հարվածում տրամադրված գոգավոր քարի առկայությունը եկեղեցու
տարածքում: Եկեղեցին կառուցված է դարձնագույն սրբատաշ քարից մեծադիր քարերով
(չափերը՝ 1.00, 0.77մ, 0.65մ) և ունի միայն մեկ մուտք, այն էլ հարավային կողմում: Փար-
պիի «Ս. Թարգմանիչք»-ը հալականացման հորինվածքով առնչվում է Է դ. կենտրոնազմ-
բեթ փոքր հուշարձանների հետ: Գմբեթափակ քառակուսու ներքին անկյունների լուծմամբ
հիշեցնում է Ագարակը (Ախուրյանի աջ ափին, Տեկորի հարևանությամբ), իսկ արտաքին
անկյունների լուծմամբ՝ Ծիլնիի, Արտաշավանի, Քարաշամբի եկեղեցիները⁴:

Սակայն, հետազոտում (հավանորեն ԺԲ-ԺԴդդ.) եկեղեցին հիմնովին վերակառուցվել
է, ձեռք բերելով ժամանակին համահունչ ճարտարապետական հարդարանքային ման-
րամասներ, պարուհանի երեսակալ, դեպի բնմ, Ավագ խորան տանող կիսաշրջանաձև
աստիճաններ, քիվերի մնացորդներ, գուցե և մուտքի ճակարային հարվածն իր աննման
զարդաքանդակներով (նկ. 1): Զարդաքանդակները՝ բուսական, երկրաչափական, թռչնա-
պարկեր, անմիջական աղբյուրներ ունեն Բուժականի, Թեոֆանյաց վանքի, Կաթողիկե եկե-
ղեցու բնմի ճակարային հարվածի աննման զարդաքանդակների հետ (ԺԴ դ.)⁵: Ժամա-
նակի ընթացքում եկեղեցին խոնարհվել է: Պահպանվել են խաչաթևերի պատերը՝ մոտ
2մ բարձրությամբ (նստած որմնախարիսխների վրա): Ներկայումս եկեղեցին գտնվում է
վերակառուցման փուլում (նկ. 2):

«Ս. Թարգմանիչք»-ը բոլոր կողմերից շրջապատված է ժամանակակից թաղումներով,
որոնք խաթարում են ոչ միայն ճարտարապետական, գեղագիտական ընդհանուր պար-
կերը, այլև խանգարում մաքրման աշխատանքներին, արգելում դրանց ընդարձակմա-
նը: Մաքրման աշխատանքները տվեցին գոհացուցիչ արդյունքներ: Նարավային կողմում,
անմիջապես մուտքի տակ, բացվեցին սեղանաձև տապանաքարերի շարքեր (նկ. 3): Տա-
պանաքարերը կարմրավուն քարից, հղկված գանգվածեղ անգարդ սալեր են՝ տեղ-տեղ ճա-

2 Տե՛ս Վ.Գրիգորյան, Նայասարանի վաղ միջնադարյան կենտրոնազմբեթ փոքր հուշարձանները, Երևան, 1982, էջ 15-16:

3 Թ. Թորամանյան, Նյութեր հայկական ճարտարապետության պատմության, հ. II, Երևան, 1948, էջ 227:

4 Տե՛ս Վ. Գրիգորյան, նշվ. աշխ., էջ 15:

5 Գ. Մարգարյան, Թեոֆանյաց վանքի պեղումները, ՊԲՆ, 1990, թ. 2, էջ 180-181, 183:

քեր Գրիգորը Գրիգորյան օրացույցով են. երկ.՝ 1.53-1.54մ, լայն.՝ 0.66-0.72մ, հասար.՝ 13-14սմ: Տապանաքարերից երկուսն ունեն ննջեցյալին խորհրդանշող ռելիեֆ նշանակներ՝ գլխամասում գծաքաշ լուսապսակներ, նշան հոգևոր կոչման: Գերեզմաններում, հավանաբար, հանգչում են հոգևորականներ, միաբաններ, քանդի նման շքեղ եկեղեցի-վկայարանի շուրջ, բոլորովին առանձնացված վայրում անթույլատրելի էր հասարակաց գերեզմանափոխ կառուցելը: Դեռևս Շահապիվանի ժողովն անդրադարձել է հոգևոր կառույցների շրջապատում թաղումներ կատարելու թույլատրելիությանը և որոշել. «Եթե ոք նշխարս մարտիրոսին կամի դնել, առանց եպիսկոպոսի աշխարհին՝ մի՛ դիցե: Ջիշապակս մարտիրոսաց և գծողվս առանց եպիսկոպոսի հրամանի մի՛ ոք իշխեսցե առնել: Եւ եթե ոք ի սուրբ փեղացն մարտիրոսս բերցե, առ եպիսկոպոսն բերցե վկայութեամբք և թղթովք եպիսկոպոսացն՝ ուսրի երերն. և իսրեանց եպիսկոպոսին հրամանաւ դիցե՝ ուր արժանն է դնել»⁶:

Իսկ Սահակ Դարթնի կանոններում կարելի է կարդալ, թե. «Եւ որպէս եղև անառակ սովորութիւն քահանայից և ոռցին կանանց գերեզմանս առ եկեղեցիս առնել և ի փեղիսն սրբութեան, յայսմեկտէ յառաջ մի՛ իշխեսցեն առնել, այլ ի ժողովրդականացն հանգստարանս եղիցին և քահանայիցն հանգստարանք, զի սրբութեան փեղին պարկէշտութեամբ պատուեսցի, ... ի գերեզմանս յեկեղեցիս մի՛ իշխեսցեն առնել, ապա եթե գրցի ոք արարեալ, յեկեղեցոջն պատարագ մի՛ ոք իշխեսցե մատուցանել մինչև մարքեսցեն գրեղիսն»⁷:

Տապանաքարեր բացվեցին և անմարման կողմում (թվով երեքը): Ընդարձակվել այլևս հնարավոր չէր: Տապանաքարերից առավել ուշագրավը փոփոխ սալի կես է, խաթարված դիրքում՝ գլխամասը ուղղված է դեպի հյուսիս (շրջված հավանորեն ուժեղ ցնցումից): Գլխամասը հարդարված է գծաքաշ լուսապսակով, շրջանակված կոնաձև եռագագաթ սաղավարով, նշան՝ հոգևոր բարձր դասի պարկանկության (նկ.4): Սաղավարին իր ձևաբանական հորինվածքով կարծես թե նմանակում է Սանահինի վանքի Ամենափրկիչ եկեղեցու (966 թ.) պարկերաքանդակներում՝ Կյուրիկե և Մմբար թագածառանգների կրած գլխաւոց-թագերը⁸:

Տապանաքարերից մի քանիսը բացվեցին մասնակի, քանդի դրանց շարունակության վրա անմիջականորեն նստած են ժամանակակից թաղումները: Կնիշանակի հեղափոխում խախտվել են Նայոց Եկեղեցու ընդունած արգելակող կանոնները և սրբազան վայրը վերածվել է հասարակաց գերեզմանոցի:


Տապանաքարերի հարևանությամբ, եկեղեցու արևմտյան անկյունում, բացվեց արքային խաչաթելերն իրար կապող որմնասյուներից մեկի խոյակը (նկ.5): Խոյակն ունի նույն կերպով ձևավորված ու հարդարանք, ինչ վերը նկարագրածը. բազմաշրջան, բազմագլար հյուսկեն շղթաներ՝ հարդարված զարդագնդիկներով: Նույն հարվածում գրնվեց և քարե սյան բեկոր:

Մաքրման աշխատանքների շնորհիվ հնարավոր եղավ փաստել, որ եկեղեցին ներքուստ, պարերին ունեցել է որմնանկարներ: Դրանց փոքր հատվածներ այժմ էլ նշմարելի են պարերի երեսակալներին:

6 «Կանոնագիրք Նայոց», աշխար. Վ. Նակոբյանի, Խ. Ի, Երևան, 1964, էջ 459, ԺԷ:

7 Անդ, էջ 380, խդ. 486:

8 Տե՛ս Կ. Օգանեսյան, Санаин-Ахпат, Ереван, 1975, էջ 15:



Նկ. 1



Նկ. 2



Նկ. 3



Նկ. 4



Նկ. 5



Նկ. 6



Նկ. 7



Նկ. 8



Նկ. 9



Նկ.10

Կուրացված հողահեռացման միջոցին, հողի փակ բացվեց պարի երեսակալ քարերից մեկը՝ որմնանկարի մնացորդներով (նկ.6): Կաթնագույն ալեբաստրե նուրբ հենքի վրա պահպանված է վառ կարմիր ներկով պատված մի հատված, գաղղապարկերներ հիշեցնող փաթերերով: Վերջին ժամանակներս կատարված հեղափոխական աշխատանքները, հուշարձանների և գրավոր աղբյուրների առավել բազմակողմանի ուսումնասիրությունները հավաստում են, որ դեռևս շատ վաղ ժամանակներից խճանկարն ու որմնանկարը եղել են ճարտարապետական շինությունների ներքին հարդարանքի օրգանական փաթերից: Նայաստանը լինելով քրիստոնյա առաջին երկրներից մեկը, բնականաբար չէր կարող ակտիվ մասնակցել չլինել քրիստոնեական մշակույթի, ճարտարապետական նոր լուծումների ու ոճական նոր ուղղությունների, քրիստոնեական պարկերագրության մշակման գործընթացի և դրանց կիրառողներից, համահունչ ժամանակի ոգուն, իշխող գաղափարախոսության պահանջներին: Նայաստանում եկեղեցական շատ շինություններ (Ե-Է դդ.) ներքուստ սկսեցին հարդարվել որմնանկարներով և խճանկարներով. «Իսկ յեկեղեցիս քրիստոնեից, և յարկս վկայից Աստուծոյ փեսանեմք նկարեալ գտորք Գրիգոր և աստուածահաճոյ չարչարանք իւր»⁹, քանզի ինչպես գրում է Վրթանես վրդ. Քերթովը «զայդ ամենայն նկարեն յեկեղեցիս՝ գոր գիրք տուրք պարմեն, ոչ ապաքէն դեղով գրեալ են զգիրսն, զնոյն բանս դեղով նկարեալ է, յեկեղեցիս ի գրոցն ականջք միայն լսեն, իսկ նկարսն աչօք փեսանեն և ականջօք լսեն, և որ սրբիւքն իմանան և հաւատան»¹⁰, հաստատելով այն միտքը թե. «համր նկարը պարի վրա խոսուն է դառնում (Գրիգոր Նյուսացի)», արդարացնելով որմնանկարների գաղափարախոսական ներգործության վիթխարի ուժը նորահավատ քրիստոնյաների կրոնական զգացումների վրա: Ցավոք մեզանում շատ քիչ բան է պահպանվել եկեղեցական շինությունները ներքուստ հարդարող գեղանկար ու բազմաբովանդակ այդ որմնանկարներից: Սակայն պահպանված եզակի ու փոքրաթիվ նմուշներ էլ բավարար են փաստելու, թե Նայաստանում Ե-Է դդ. եւս լայն փարածում է ունեցել որմնանկարչությունը (Էջմիածին, Տեկոր, Աղցք, Թանահատ, Երերույք, Մրեն, Դվին (բազմանիստ աբսիդ), Զովունի, Մաստարա, Լմբարավանք, Կարմրավոր, Աշտարակ, Արուճ և այլն): Որմնանկարների մնացորդները մեծ մասամբ պահպանված են գունաշերտի հետքերով, ինչպես Թարգմանիչքում:

Եկեղեցու արևմտյան կողմում, պարահատար գտնվեց գմբեթը թմբուկին կապող գուրու քարերից մեկը (երեսով թաղված հողի մեջ, հարդարված երկրաչափական գեղաբանական ձևերով): Զարդաձևերն ունեն նույն կերպվածքը ինչ խոյակները (նկ.7): Մրանք մանրամասներ են, որ թույլ են փայլիս ենթադրել, թե դրանք նույն վարպետի գործ են և պարկանում են նույն ժամանակին:

Գրածոներ- խեցանոթների բազմաքանակ բեկորներ են, գտնված քարե խճի և հողի բազմաշերտ կուրակումներում: Դրանք հասարակ և ջնարակապատ փարաբնույթ կավանոթներ են, առավելապես խոհանոցային գործածության: Ըստ կիրառության հասարակ խեցեղենը փարբերակվում է.

⁹ Ս. Տեր-Ներսեսյան, Նայ արվեստը միջնադարում, Երևան, 1975, էջ 11:

¹⁰ Անդ, էջ 12:

Կարասներ- երկուսն են, մեկը խիստ բեկորային (իրանի, շուրթի փծել բեկորներ, ակոսագարդով), մյուսը՝ գրեթե ամբողջական (բացակայում են փափակ նստուկն ու իրանի որոշ բեկորներ): Կարասն ունի հեղաքրքիր հորինվածք, պարզ ու գեղեցիկ հարդարում (նկ.8): Այն արտաքուստ բաց կարմրադարչնագույն է, գնդաձև իրանով, կարճ վզով, ոչ լայն բերանով, դեպի դուրս ծավոտ շուրթով, ժապավենաձև փափակ պսակով: Իրանը հարդարող զարդարարներն են. վերադիր սահող ալիքագարդը, կենտրոնով շուրջանակի անցնող ժապավենաձև զարդագույն, հարդարված փորագիր բեկբեկվող գծաքաշ զարդերով, որոնք կրկնվում են և ուսի վրա, իսկ ներքնամասում, նստուկից վեր, փորագիր գծաքաշ գույրներ: Կարասը (չափերը. բարձ. 60սմ, իրանի շրջ. 168սմ, հալակի փր. 75սմ, բերանի փր. 28սմ) ամենայն հավանականությամբ, օգտագործվել է իբրև գինու փարա: Նման անոթներ, այլ հարդարմամբ, բայց նույն նպատակի, հայրնի են թե Նայաստանում, և թե հարևան երկրներում (Դվին, Անի, Գառնի, Արմավիր, Օրան-Մալա և այլն): Թվագրվում են ԺԱ-ԺԴ դդ.:¹¹

Կճուճներ-մրապար, ուռուցիկ, երբեմն գնդաձև իրանով, կարճ վզով, դեպի դուրս փովող լայն պսակով անոթներ են, հարդարված ակոսագարդերով: Խեցին կարմրավուն կամ դեղնավարդագույն է, մի փոքր ծակոտկեն, բայց համասեռ և խիտ: Թրծումը համաչափ, համեմատաբար հասարակար՝ 7-8սմ:

Քրեղաններ- կարմրափայլ, բարակապար, դեպի դուրս փովող ժապավենաձև պսակով, օղակավոր ուրբ-նստուկով, ոչ շար խոր անոթներ են, զարդարված՝ վարդակազարդով: Նրբակերպ են, բայց ոչ նրբախեցի: Խեցին ծակոտկեն է, բայց խիտ, կավը մանրահարիկ, թրծումը հիմնականում համաչափ (պարի հաս. 5-8սմ, պսակի լայն. 10-12սմ): Պարահուն են և բեկորներ, հարդարված իրանի վրայով անցնող գծաքաշ զարդագույններով:

Գավաթներ- արտաքուստ՝ կարմրափայլ, ներքուստ շիկավուն: Բարակապար են, նրբակերպ, դեպի դուրս փովող գեղեցիկ պսակով, վարդակազարդ կամ ակոսագարդ: Կավը մանրահարիկ է, խեցին թեթև, երբեմն մի փոքր ծակոտկեն, պարարաստված դուրգի վրա: Պարի հաս. 4-7սմ, պսակի լայն. 10-15սմ: Թրծումը համաչափ:

Սափորներ-շուրթերի, վզի, իրանի և նստուկի բեկորներ են: Նանդիպում են և բռնակներ: Վառ կարմրա-աղյուսագույն են, երբեմն դեղնավուն, ներքուստ վարդագույն: Կավը մանրահարիկ է, թրծումը համաչափ: Սափորներից մեկն ունի շեփորաձև բերան: Սակայն բեկորների այս խմբում առանձնանում են մի քանիսը, որոնք որակապես տարբերվում են մյուսներից: Բարակապար են, նրբախեցի, խեցին թեթև, թրծումը՝ բարձրակարգ: Ունեն լավ կռիվ մակերես, պարած նույն կավի շփոթով կամ բաց կաթնավուն անգորով: Նարդարված են փորագիր ակոսագարդերով: Ըստ ամենայնի ներմուծված են: Չի բացառվում, որ բերվել են Անիից:

Սակավ հանդիպող բեկորներից են սկուրեղի, փաշտի եզակի բեկորները: Վառ կարմրավուն են, հասարակար, դեպի դուրս փովող պսակով: Կավը ծակոտկեն է: Արտաքուստ կռիվ են: Տաշտի բեկորը շուրթից ներքև հարդարված է ակոսագարդերով:

Սկուրեղն, ամենայն հավանականությամբ, պարարաստված է դանդաղ պարվող ձեռքի դուրգի վրա:

¹¹ Ն. Պեղոսյան, Գառնի IX-XIV դդ., Երևան, 1988, էջ 52:

Կավանքները կարելի է թվագրել ԺԳ-ԺԴ դդ.: Այդ են փաստում բազում գուգահեռները Նայասարանի հնավայրերից (Դվին, Անի, Գառնի, Եղեգիս, Արարատար և այլն)¹²:

Ջնարակապար անոթների բեկորները փոքրաթիվ են: Ունեն դեղնավուն հենք, հարդարված նկարեն, փորագիր (կանաչավուն) բուսազարդերով ու երկրաչափական հարդարարներով և վերաբերում են ԺԱ-ԺԳ (նկ.9):

Ջարդարանքի եզակի նմուշ է ապակե խոշոր ուլունքը (աչքի), գեղեցիկ հարդարմամբ (նկ.10): Մուգ սև հենքը զարդարում են մանր ու խոշոր ակնաբիբերը՝ շրջանակված դեղին, կարմիր, սև, կաթնագույն շրջաններով: Նման ուլունքները ոչ միայն զարդ էին, այլև հուռուրթ, պահպանակ-հմայիլ, չար աչքից հեռու պահելու համար¹³:

Նկարաքերի է և սելադոնե բեկորի առկայությունը պարաձբում: Սելադոնե անոթներ գերազանցապես ներմուծվում էին Նյուսիսային Չինաստանից, առևտրական ճանապարհներով և շար թանկ արժեին: Թվագրվում են ԺԳ դ. (Անի, Դվին, Գառնի)¹⁴: Խեցեղենի առկայությունը եկեղեցու պարաձբում նշանակում է, թե ԺԱ-ԺԳ դդ. այդպեղ ժամանակավոր բնակություն են հաստատել մարդկային փոքրաթիվ խմբեր, գուցե և հոգևորականներ, մենակյաց ճգնավորներ և կամ փախստական բնակիչներ:

Մաքրման աշխատանքներն ավարտվեցին, կարարելով իրենց խնդիրը, չունենալով ընդլայնվելու հնարավորություններ: Կարծում ենք Ս. Թարգմանիչ եկեղեցու վերականգնմամբ կարարվում է մեծ և շնորհակալ աշխատանք, արժանի խոնարհումի ու մեծ հարգանքի, բոլոր այն մարդկանց նկարմամբ, որոնք իրականացնում են այդ սրբազան ու նվիրական գործը:

12 Kalantaryan A., Karakhanyan K., Melkonyan H., Petrosyan H., Hakobyan N., Babayan F., Zhamkochyan A., Nawasardyan K., Hayrapetyan A., Armenia in the context of East and West, Ceramics and glass, Yerevan, 2009, pl. XLIV, XLV, XLVI-1.6.8, XLVII, XLVIII.

13 Տեն Ա. Իսրայելյան, Նայկական պահպանակները հայոց հավաքալիքների համակարգում, սեղմագիր, Երևան, 2006, էջ 11-12:

14 Տեն Ա. Ժամկոչյան, Միջնադարյան Նայասարանի հայսնապակին IX-XIV դդ., ՇՇՇ, 10, Երևան, 1981, էջ 121, Ն. Պերրոսյան, նշվ. աշխ., էջ 82-83: